

## تاساعت ن-تاغوفت 32

- 1 امباركي ا-يڭا وائا مي عيصامح ربي ف-دئوب-نس،  
عيسيتي فلاس غايلى-ت-يسحشامن.
  - 2 امباركي ا-يڭا وائا مي عور-يحاسب ربي لمعصيات-نس،  
عولا سول قامان عيركان غ-وول-نس.
  - 3 ليغ عور-تا-ياك-قراغ تمدا-كيكي-كولو-تدواست،  
ها-يى ار-ندرغ اس كولو.
  - 4 غ-بيض عولا ازال عيژاي-فلا-وفوس-نك ار-يى.  
غمكلى عيتسلاو-وسغار غ-صيف عيحران اد-سلاون عيخسان-ينو.
  - 5 د-غاكودان ا-يك-نيغ مامنك اد-فوغ زغ-واوال-نك،  
عور-سول-حضيع مايلى-يى-يسركان.
  - 6 عينيغ-اك ار-يى «تۇگراژ-يى ف-مايلى سكرغ يۇخشن.»  
د-غاكودان ار-يى-فلا-تسيتيت تاژايت ن-دئوب-ينو.
  - 7 غ-تاساعت ن-تاغوفت ا-غ-ا-يك-ن-اقران وينك،  
عور-را-تن-تادجت اتن-يلكم-ونگاي لعقوبيت.
  - 8 كىي ا-يگان انتال-ينو تحضوت-يى غ-تاساعت ن-تنوكموت،  
تسوتلت-يى س-يموريكن ن-سلامت.
- (يىني-يى ربي:)
- 8 راد-اك-ملغ اغاراس لى-ك-يد-يقان،  
عينيغ-اك عولا مامنك ا-كيس-تفتوت.
  - 9 اور-تكم عيمديلا زوند اكمار د-وسردون،  
ار-سكارن س-يفاذن ما-يرا سيديتسن،  
س-ولكامو د-تووربيت ا-س-ا-كيسن-يتحكام.
  - 10 را-تيگات-تكوضي عي-ويلي رورنين تيغوردن س-ربي.  
عيما ويلي سرس ومنين تايري-نس عيزكان اد-اسن-يلولين.
  - 11 فرحات س-ربي تفرحم س-وئار،  
كوني دا-يفتان غ-وغاراس ن-وفولكي.  
تالم اوال-نون تيريرم عي-ربي،  
كوني دا-يطافن عول عيصفان.